

Հնազանդության առաջին որինակը Ավագը տվավ, նախ զեսպան ուղարկելով յուր տան վերակացու Գրիգոր Սաչենցուն և ապա անձամբ ներկայանալով Սևանա ափերին վրան խփած Ջարմաղանին. վերջինս սիրով ընդունեց նորան և պատվիրեց Թաթար զորքերին այլ ևս չկռվել Ավագի իշխանության յինթարկված բերդերի և քաղաքների հետ: Ավագի որինակին հետևեցին և մյուս իշխանները՝ Վահրամ Ջաքարյանը, Շահնշահ, Սաչենի իշխան Հասան—Ջալալ, Երկուսն Որբեկյան «և այլք բազումք», հաստատվելով իրենց իշխանությունների մեջ: Այս դրությունը նվիրագործվեցավ և վերջնական կերպարանք ստացավ Ավագի այցելությամբ խաղանին, վոր սիրով ընդունեց նրան, «և գրէր առ զօրավարն իւր (Ջարմաղան) տալ ի ձեռն նորա զիւր աշխարհն և նովաւ նուաճել զամենայն ապստամբսն, որ եղև իսկ»: Հայ իշխանները պարտավոր եյին հարկ տալ և մասնակցել իրենց զորքերով Թաթարների արշավանքներին. Ջարմաղանի հաջորդ Բաշուի ժամանակ նորա մասնակից են արդեն 1242 թ. Կարնո, 1243 թվին Կեսարիայի, Սերաստրիայի և Փոքր-Ասիայի մյուս քաղաքների նվաճման*: Արշավանքների մասին տեղեկություն ե տալիս յուր հիշատակարանի մեջ և «Գրիգոր որդի Հասանայ եւ Դովին» իբրև մասնակից ղեկավարին*: Վորքան և ծանր եր Թաթարների տիրապետությունը իրենց հարկապահանջությամբ, կեղեքումներով և կամայական կառավարությամբ, բայց և այնպես քառասնական թվականներից արդեն մի *modus vivendi* եր կազմված նրանց և հայ իշխանների մեջ և հետզհետե կյանքը տանելի դարձել:


Քաղաքական այսպիսի վիճակի մեջ եր յերկիրը, յերբ Պոռ իշխանության գլուխն անցավ. պատմական վոր և ե ցուցում չունինք, թե Պոռ մասնակից յեղավ Ջալալեղդինի դեմ մղված պատերազմին Գառնիի մոտ. բայց միանգամայն հավանական ենք համարում այդ յեթե Լիպարիտ, ավելի հեռու ընկած Որբեկյան իշխանության պետը, մասնակից եր այդ մարտին, վորչապ ևս Պոռ, վորի սահմանների մոտ հանդիպեցան յերկու հակառակորդները. գուցե և իվանեի տաս մարդկանցից մեկը, վորոնց հետ ազատվեցավ Գեղվա ամրությունների մեջ, Պոռն եր. վորովհետև այդ բերդը, ինչպես տեսանք, գտնվում եր Գրիգոր Սաղաթկյանի, իսկ այդ ժամանակ նորա վորդու, իշխանության սահմանում: Համենայն դեպս Սորազմներից վրեժ լուծելու պատիժն ու բաղդը վիճակված եր Պոռին. «մտանէ Պոռ ի Դուին և կոտորէ զՍորազմն և զՏաճիկն», նշանակում ե Այրիվանցին յուր ժամանակագրության մեջ, Ջալալեղդինի տարած այս հաղթությունից անմիջապես հետո, միակ

Ստ. Կանայան. Թիֆլիզ. 1893. յեր. 56. նույնը Մաղաքիա արեղայի. Պատմ. Աղգին Նետողաց. Սպ. 1870. Հավել. 57: Մաղաքիայի բուն պատմության մեջ յեր. 4:

* Դանձակեցի 242—244. 249. 265—269. Վարդան 193. Օրբելեան. 404:

** Մեր հիշատակարանների ժողովածուն. Որթաքիլիսայի ավետարանի պահպանակը:

աղբյուրը այս իրողության համար: Ժամանակի վերաբերությամբ կարող ենք դնել 1226—1228 թ. վորովհետև նույն Այրիվանցին Սլաթի գրավումը դնում ե այս



Գեղարդի պահարանի արձանագր. Պատկեր 28. Հավել. Ա. 15.

դեպքից հետո, իսկ ուրիշ աղբյուրից գիտենք, վոր այդ կատարվել ե 1228/9 թվին*:

* Ձեռ. Էջմ. № 589: Նոր Յուզ. Վոմն Վարդան վարդապետի Տոնականի ստացողի՝ հիշատակարանում նշանակված ե Սլաթի պաշարման և առման ճիշդ թվականը. «Յայսմ ամի («ի ՈՂԸ»=1228/9.) Սորազմ շահն բազում գաւառս աւարեաց և անմարդ արար և անթիւ զաւրաւք պաշարեաց զՍլաթ և ունի ի մեծ նեղութե». քիչ հետո նույն ձեռքով, բայց տարբեր թանաքով ավելացրած ե «որ և առ ի նոյն ամի»: Վարդան վարդապետը Տուրուբերանի Սարձի անապատից եր, ուր հիշվում են նաև Ղազար վարդապետ, վոր գրիչ Հովհաննէս քահանայի վարդապետն ե: Հիշվում ե և հայր Կարա-